

UKA 2012/154

Naalakkersuisut UPA 2013-imi Aningaasanoorutit ilaannit iluanaarutinit agguaassisarneq pillugu Inatsisartut Inatsisaat nr. 10, 22. november 2011-imut allanngutissatut siunnersuummik saqqummiusseqqullugit Inatsisartuni aalajangiiffigisassatut siunnersuut, taamaaliornikkut 2013 aallarnerifigalugu § 1, imm. 1 nr. 1 naapertorlugu aningaasanik ukiumut 1 mio. kruuninik annertussuseqartunik nunatsinni qimussertarnerup immikkuullarissup nunatta kulturikkut oqaluttuarisaanikkullu kingornussaatur pingaartutilittut pigiinnarneqarnissaa qulakkeerneqarsinnaaqqullugu.

(Inatsisartunut ilaasortaq Aleqa Hammond, Siumut)

UKA 2012/173

Nunatsinni qimussimik nuna tamaat sukkanniutsitsisarneq „Avannaata Qimussersua“ nunatta karsianit ukiumut 500.000,00 kr-nik tapiiffigineqartalernissaanik Naalakkersuisut sulissuteqaqqullugit peqquneqarnissaannik Inatsisartut aalajangiiffigisassaattut siunnersuut

(Inatsisartunut ilaasortat Siverth K. Heilmann aamma Knud Kristiansen, Atassut)

Akissuteqaat

(Ilaqutariinnermut, Kultureqarnermut, Ilageeqarnermut Naligiissitaanermullu Naalakkersuisoq)

Siullermeerneqarnera

Aalajangiiffigisassatut siunnersuutitut marluusunut, tamarmik Avannaata Qimussersuanut tapiissutinik tapersiinnissamut tunngasunut Inatsisartunut ilaasortamit Aleqa Hammondimit, Siumumeersumit aamma Inatsisartunut ilaasortamit Siverth K. Heilmannimit aamma Knud Kristiansenimit, Atassummeersunit siunnersuutaasunut Naalakkersuisut qujapput.

Aallarniutigalugu oqaatigissavara siunnersuuteqartut qimussertarnermik kulturikkut oqaluttuarisaanikkullu kingornussatut pingaarutilittut tunngaviusumik isiginninnerannut Naalakkersuisut isumaqataammata, taannalumi Naalakkersuisuni ataavartikkumavaat.

Tamatumunnga atatillugu Naalakkersuisut kulturikkut kingornussatta tigussaasut tigussaangitsullu ataavartinnissaat siunertaralugu suliniutit assigiinngitsut aallartinnikuuaat, kinguaariit tulluuttut ileqqutsinnik ilisimasaqarnissaat pingaartikkatsigu.

Siusinnerusukkut Naalakkersuisut kalaallisuuliornermut tunngatillugu ilinniarfimmik pilersitsinikuupput. Kiisalu ukiuni kingulliunerusuni Naalakkersuisut Nunatta Katersugaasivia suleqatigalugu qilaatersornikkut immikkut suliniuteqarneq aallartinnikuuaat, Nunattalu Katersugaasivia oqaloqatigisarlugu nunatsinni qimussernermit tunngatillugu immikkut suliniummik pilersitsinissaq siunertaralugu.

Inuiaqatigiinni innuttaasut amerlaqisut kulturikkut oqaluttuarisaanikkullu kingornussatta illersornissaat ataavarnissaallu siunertaralugit namminneq piuumassutsiminnik annertuumik suliaqarnerat akueralugu, kiisalu kikkut taamatut suliaqartut naligiissinneqarnissaat kissaatigalugu, Naalakkersuisuusarsimasut nikerartut 2004-miilli aningaasanut inatsisitigut tapiissuteqartarnerit aaqqiissuteqqinneqarnissaat anguniarsimavaat. Timersornikkut aamma

meeqqanut inuusuttunullu kattuffiit kiisalu tamanut iluaqutaasussanik suliniuteqartut eqqumiitsuliortullu kattuffii katillugit 22.000-t missaaniittunik ilaasortaartut, tamarmik Tipsernermit Lottornermillu aningaasaateqarfimmit tapiiffigineqarnissamik qinnuteqarnissamut periarfissaqartariaqarput.

Taama suleriuseqarnek Naalackersuisut ingerlatiinnarumavaat, tamatumani aallaavigalugu kulturitta, kinaassutsitta ataatsimoorussamillu naleqartitatta ataavartinnissaannut peqataasut tamarmik naligiissineqarnissaannik kissaateqarnek. Tipsernermit Lottornermillu aningaasaliissutinik agguaassisarneq maannakkut ingerlanneqartoq, tassa Aningaasanoorutit ilaannit iluanaarutinit agguaassisarneq pillugu Inatsisartut inatsisaat nr. 10, 22. november 2011-meersoq tunngavigalugu ingerlanneqartoq allanngortinneqassappat, tamanna inatsimmik agguaariaatsimillu nalinginnaasumik nalilersueqqinnermut atatillugu pisariaqarpoq. Inatsisartut inatsisaat nr. 10, 22. november 2011-meersoq naapertorlugu Kalaallit Nunaanni Qimussertartut Kattuffiat periarfissaqareerpoq, peqatigiiffiit allat, ass. Qaannat Kattuffiat periarfissaat assigalugit, Kalaallit Nunanni Timersoqatigiit Kattuffiannut ilaasortanngornissaminut.

Kalaallit Nunaanni Qimussertartut Kattuffiat kiisalu sumiiffinni assigiinngitsuni peqatigiiffiit qimussimik sukkaniunnissarsuit iluatsinnissaat siunertaralugu annertooujussuarmik nersortariaqartumillu suliaqartarput, tamannalu nuannaarutigeqaarput.

Aningaasartuutaasartunullu tunngatillugu maluginiannngitsuugassaannngitsoq tassa aaqqissuussinermi tassani peqataasut nalinginnaannngitsumik annertuunik aningaasanik pinnattaaqartinneqartarlutillu allatigit tunissutisismata, - taakkulu katillutik 200.000 kr. sinnertarmatigit. Taakku tassaapput inunnut ataasiakkaanut tunissutit aaqqissuussisarnernit allanit ilisimaneqannngitsut. Naalackersuisut ullumikkut Inatsisartut inatsisaat nr. 10, 22. november 2011-meersoq naapertorlugu Kalaallit Nunaanni Qimussertartut Kattuffianut suliniutinut kr. 75.000-nik aammalu kr. 150.000-nik ingerlatsinermut tapiissuteqartarpoq. Agguaassisarnermut maleruagassat naapertorlugit atugassanngortitat Naalackersuisunit agguaanneqartussanit aningaasanut akissarsianut imaluunniit akissarsianut aningaasanik naleqartunut tapiisoqarnek ajorpoq. Peqatigiiffik, peqatigiiffiit kr. 150.000-nik tapiiffigineqartut allat assigalugit naatsorsuutinik kukkunersiorneqarsimasunik Naalackersuisunit nassiussissaaq. Naalackersuisut paasivaat Kalaallit Nunaanni Qimussertartut Kattuffiat aningaasanut 2011-mi 2012-umilu tiguneqarsimasunut naatsorsuutinik kukkunersiorneqarsimasunik tunniussisimannngitsut.

Kalaallit Nunaanni Qimussertartut Kattuffiat aningaasannanni allaqqeqaat, aammalu aningaasaliiniartut aningaasaliissuteqarusuttaqaat, taamaattumillu Kalaallit Nunaanni Qimussertartut Kattuffiat Naalackersuisunit taperneqannngikkaluaruniluunniit ingerlalluarsinnaavoq.

Taamaattumillu siunnersuuteqartut qimussertarnerup kulturikkut kingornussatta ilaatut taparserneqarnissaanik kissaateqarnerat Naalackersuisut isumaqatigilluinnarpaat, kisiannili Naalackersuisut qimussimik sukkaniuttarnerit annertuunik akissarsiassartallit aningaasatigit tapersiiffigeqinagit, kinguaatta ileqqutoqqatsinnik paasinninnerulernissaannut immaqalu namminneerlutik atuilluarsinnaalernissaannut periarfissiinissaq Naalackersuisut taparserumaneruaat.

Taamatut oqaaseqarluta siunnersuutit 154-ip kiisalu 173-ip itigartinneqarnissaat Naalackersuisuniit innersuutigissavarput.